

Lypez Mersburgensis diocesis parte ex altera habitis deductis et productis invenimus iuste et bene fore processum et sententiatum, ideoque praedictum Vlricum suis exigentibus demeritis legitime et canonice ab administratione et regimine praepositurae dicti monasterii sancti Thomae in Lypez amotum et sententialiter destitutum, vocato tamen seu citato praedicto Vlrico de Maltiez in certum et peremptorium terminum videlicet in primam diem mensis Aprilis ad comparendum coram nobis et audiendum sententiam diffinitivam alias per reverendum dominum episcopum Mersburgensem praedictum contra eum latam auctoritate apostolica confirmari ac ad revocandum retractandum et irritandum processus quoscumque et qualitercumque per honorabilem dominum Nicolaum de Giczzen officialem curiae Magdeburgensem latos et emissos, eandem sententiam depositionis et destitutionis per praefatum dominum episcopum Mersburgensem auctoritate ordinaria latam contra dictum fratrem Vlricum absentia ipsius non obstante iuxta et secundum tenorem rescripti apostolici auctoritate apostolica qua fungimur in hac parte in dei nomine communicato nobis peritorum consilio et nobiscum ac cum ipsis matura et plena deliberatione praehabita confirmamus ratificamus et approbamus in his scriptis, decernentes irritum et inane quidquid per honorabilem virum dominum Nicolaum de Giczin officialem curiae Magdeburgensis praedictum existit contra formam mandati seu rescripti apostolici qualitercumque attemptatum processusque eiusdem officialis quoscumque et qualitercumque in huiusmodi causa latos et fulminatos similiter cassos et irritos nuntiantes atque nullos. Lecta et lata est haec sententia in ambitu monasterii praedicti anno nativitatis eiusdem MCCC^o LXX^o mense et die quibus supra praesentibus religiosis et discretis viris dominis Heysone de Holtwert, Petro de Lettin canonicis nostris, Baldewino et Nicolao dictis de Penczelin et Henrico de Mönchenyenburg clericis testibus ad praemissa vocatis specialiter et rogatis. In quorum omnium testimonium sigillum nostrum praesentibus est appensum.

Nach dem Orig. im K. Haupt-Staatsarchiv zu Dresden mit dem Siegel an einem Pergamentstreifen.

Seit 1382 erscheint Ulrich von Maltitz wieder unter den Chorherren zu S. Afra in Meissen; er lebte noch im J. 1396. Vgl. Cod. dipl. Saxon. II. 4. p. 160 u. 170.

No. 132. 1372. 23. Apr.

Gütlicher Vergleich zwischen dem Pfarrer zu Markkleberg und dem Kloster wegen eines Getreidezehndens zu Olschwitz.

In nomine domini amen. Lite iam dudum vertente coram nobis Bodone dei gratia decano ecclesiae Merseburgensis inter dominum Johannem plebanum in Cleberg^{a)} actorem parte ex una et honorabilem virum dominum Michaellem praepositum et conventum canonicorum regularium monasterii sancti Thomae apostoli in Lipezk reos parte ex altera super duodecim sexagenis manipulorum siliginis et totidem avenae pro decima annuali de allodio in Olschwitz^{b)} per praepositum et conventum iam dictos ipsi plebano dotis nomine ecclesiae Cleberg singulis annis ministrandis, causa

a) Markkleberg. Eph. Leipzig b) Vgl. zu No. 2.